

cellarii, & Mariæ Eleonoræ Oettingensis, matre Annæ, Sophiæ Palatina è Solisbacensi domo, natæ, Filius, Gentis suæ antiquissimæ fidus.

CARINTHIA Provinciales Equilium Præfectos Kevenhülleros Comites agnoscit, Bartholomæo Kevenhüllero primitus hanc spartam contulit Carolus Archidux Die 20. Junii 1588. de eaque investituram accepit 1589. (i) Idem Bartholomæus vel alius hoc nomine Anno 1605. & Anno 1607. investitur, Augustinus autem Kevenhüllerus Anno 1614. hoc honore affectus est. (k)

In CARNIOLA ET VINIDORUM MARCHIA munere isto Spectatissima Comitum de Lamberg Familia coronatur, ex ea Jacobus Lineæ in Stein & Guttenberg ab Archiduce Carolo Anno 1566. illud nactus est. (l) Filius ejus Johannes Georgius Anno 1626. de eo investituram accepit. (m) Hic immatura morte abreptus Filios reliquit, quorum nomine Johannes de Bodenstein in Curia Græzensi feudum requisivit Anno 1634. (n) Ferdinandus III. etiam Johannem Maximilianum Comitem Lambergium, Divus Leopoldus autem utramque lineam Lambergiorum Orteneciam nimirum & Ottensteiniam una cum Guttenbergia Anno 1662. ad Investituram vocavit. (o)

In TYROLI hoc munus Casparo & Christophoro Comitibus Wolckensteiniis, huic Rodneccæ, illi Trostburgicæ, Lineæ Anno 1560. teste Comite Brandisio im Tyrolischen Adlers Ehren-Kränzel collatum fuit.

GORITIENSIS Comitatus Archippocomi sunt Comites de Rabatta, eumque dignitatem teste Archivo Feudali Græzensi Anno 1664. nacti sunt.

(a) Spener. Part. Special. Op. Heraldici Lib. III. Cap. 34. Wagenseil. de Official. Imperii. (b) Spener loc. citat. (c) Idem ibidem. (d) Archiv. Feudal. Austriac. (e) Ibi. (f) Archivum Feudal. Græzense. (g) Ibi. (h) Ibi. (i) Ibi. (k) Ibi. (l) Ibi. (m) Valvasor Chronic. Carniole Lib. IX. pag. 11. (n) Archiv. Feudal. Græzense. (o) Valvasor loc. citat.

CAPUT VI.

DE HÆREDITARIIS REI
VENATORIÆ PRÆFECTIS.

Quis Sac. Rom. Imp. summus Venationum Præfectus ab antiquo fuerit, aut quomodo ab uno ad alium munus istud pervenerit, res in incerto est. Unde apud Schüzium in Jure Publico

(a) alios-